

平圖一卷上獻

世宗皇帝嘉獎之 賜承訓書院名額并五經
諸書周人趙別駕客死于魯煇爲經紀其喪
令還葬南州有處士萬甲者窮而依煇煇館
穀周恤之三十年如一日所著濟美堂稿畫
法權輿若干卷又輯齊魯名士詩二十一卷
名海岳靈秀集弟觀鞅亦以詩畫著名嘗請
辭祿廬父墓未允同時有鉅野中尉頤塚安
丘將軍頤鏞皆倜儻有逸才聲詩清拔而樂
陵王子頤埏亦喜稱詩著東魯勝槩四卷

蜀獻王諱椿

蜀獻王諱椿

高皇帝十一子也洪武戊午歲 冊封二十二
年冬之國成都王孝友慈祥博綜典籍容止
都麗雅有儒素風嘗奉 命中都閱武卽闢
西堂延攬名士李叔荆蘇伯衡等商榷玄史
高皇帝常以蜀秀才目之及就國聞漢中博士
方孝孺名以幣聘爲世子傅嘗臨講郡蠻覩
諸博士清貧爲分祿餼之月一石遂著爲令
府中屬官有能進昌言者厚加禮遇沒世猶